

吳文節公遺集

吳文節公遺集卷十目錄

奏議

移設巡檢摺

請將宋臣文天祥從祀

文廟摺

覆奏各營馬匹難以議減摺

遵保屬員摺

吳文節公遺集卷十

男養原謹編

奏議

移設巡檢摺

奏爲地方今昔情形不同請將巡檢分別裁撤移設以資彈壓恭摺

奏祈

聖鑒事竊照設官分職必須因地制宜而今昔情形不同自當量爲通變茲查贛州府屬之龍南縣界連粵省民俗强悍其西南轄境百數十里地方遼闊距縣城爲

遠中有大龍堡墟場一處人烟稠密五方雜處時有打  
降賭博等事且有玩法匪徒搶竊滋擾向無佐雜分防  
商民被害就近無可控訴迨赴縣具呈差擎往返動經  
數日人犯早已遠颺匪徒明知官役鞭長莫及遂致肆  
無忌憚必得移設佐雜就近駐扎俾資彈壓臣與該司

道等悉心籌酌查有袁州府屬之宜春縣原設巡檢二  
員內潤富司一缺本係簡缺該處風俗較淳事務尤簡  
堪以裁撤移設龍南縣大龍堡地方定爲調缺其潤富  
司原轄地方歸併該縣典史及黃圃司巡檢分管足資  
稽察至簡缺改調缺分未符查有撫州府屬之崇仁縣

鳳岡司巡檢本係繁缺該處民樸事少應改爲簡缺以資抵補而符鉉政所有龍南縣大龍堡添設巡檢應管汎地以大龍堡觀音閣墟及新興太平二堡撥歸管轄凡有盜竊案件一體責令承緝遇有打降賭博私宰等案就近查拏解縣究報至該巡檢衙署查有大龍堡附近之觀音閣地方有該縣舊建公館一所稍爲脩葺堪以改作衙署毋需籌款另建該衙門應設弓役俸工等項卽以所裁宜春縣潤富司巡檢衙門原設俸工改撥支給亦毋庸另議其所需印信擬以龍南縣大龍司巡檢字樣請鑄頒用以昭信守據藩臬兩司會同該管各

道具詳請

奏前來合無仰懇

天恩俯准將宜春縣澗富司簡缺巡檢裁撤移設龍南  
縣大龍堡觀音閣墟地方改爲調缺作爲大龍司巡檢  
以資彈壓並將崇仁縣鳳岡司繁缺巡檢改爲簡缺以  
符銓政如蒙

俞允俟接准部覆將龍南縣巡檢另行遴員調補所裁  
宜春縣澗富司巡檢照例留省另補至崇仁縣鳳岡司  
巡檢本係調繁之員今其缺改簡俟有相當缺出另行  
請調並將地圖印模咨部核辦外臣謹會同署兩江督

臣璧冒恭摺具

奏伏乞

皇上聖鑒訓示謹

奏道光二十三年五月二十二日奏奉

硃批吏部議奏欽此

請將宋臣文天祥從祀

文廟摺

奏爲宋臣文天祥完行純忠志宗孔孟請從祀

文廟以彰正學而闡幽光恭摺

奏祈

聖鑒事竊維純臣大節惟恪守夫忠貞名教完人實本  
原於理學我

朝治崇儒術

化洽人文凡有功

聖教未曾祐饗

文廟者歷經

奏准從祀在案茲查宋臣文天祥江西廬陵縣人年二十舉進士對策萬餘言理宗親擢爲第一薦升右丞相加少保封信國公至元十五年爲元將所執在燕三年終不屈而死衣帶有贊曰孔曰成仁孟曰取義惟其義

盡所以仁至讀聖賢書所學何事而今而後庶幾無愧  
是其生平志宗孔孟實爲生死不渝伏讀乾隆二年  
高宗純皇帝御製文文天祥忠誠之心不徒出於一時  
之激久而彌勵浩然之氣與日月爭光蓋志士仁人欲  
伸大義於天下者不以成敗利鈍動其心也煌煌  
聖訓所以獎忠貞而勵名節者尤爲千古定論且考其  
所著文山文集計十六卷其舉進士對策以法天不息  
爲言考官王應麟稱其古誼若龜鑑忠肝若鐵石此外  
發爲文詞無非扶植綱常維持世教其爲學也以立誠  
爲主以程朱爲宗闡異端崇孔氏踐修儒行輔翼

聖經以之升祔學宮洵爲不愧據藩司費開綬轉據吉安府暨該學教官開具事實清冊具詳請

奏前來合無仰懇

聖恩准將文天祥從祀

文廟以昭崇報除將清冊送部核辦外

臣謹會同署兩

江總督福建福州將軍

臣

壁昌江西學

臣

孫瑞珍合詞

恭摺具

奏伏乞

皇上聖鑒敕部議覆施行謹

奏道光二十三年閏七月初八日奏奉

硃批禮部議奏欽此

覆奏各營馬匹難以議減摺

奏爲江西省各營馬匹遵

旨體察難以議減據實具

奏仰祈

聖鑒事竊臣等承准軍機大臣字寄道光二十三年六

月初二日奉

上諭據戶兵二部會議外省馬乾章程著各督撫各就地方情形悉心籌議據實具奏等因欽此臣等當卽欽

遵咨照鎮臣並轉飭各標營妥議覆辦所有江蘇安徽

二省營馬業經臣壁昌會同各該撫臣先後籌議恭摺  
覆

奏並附片陳明江西由臣吳文鎔體察地方形勢再行會議具奏在案茲據各標營俱以地當衝要現存馬匹無多實難議減先後呈覆並准署九江鎮臣王世平南贛鎮臣德坤咨會與各標營所議相同臣等伏查江西省三十七協營內九江南湖鄱湖三水師營向無騎操馬匹其餘三十四營原額馬一千四百一十四匹前於裁兵案內已陸續裁汰二百五十四匹現在實存馬一千一百六十五匹內撫標左右二營每營存馬三十六

匹僅敷差操南昌城守營存馬一百三十三匹地當省會扼要衝途且分防各縣汎地距省較遠控馭攸關俱難再減至九贛二鎮所轄各營均係山徑陸路駐劄處所多與楚皖閩浙粵東等省毗連地方遼闊操防尤關緊要該二鎮所轄陸路共有三十一協營計共存馬止九百五十五匹分佈各營多則四五十匹少僅二三十匹或十餘匹實屬無幾伏念臣等仰沐

深恩督此制用孔亟之時

國家經費有常如果稍可撙節敢不悉心籌減乃自前大陸續裁汰之後各營所存馬匹委俱僅敷差操無可

再減且地不產馬去日較遠急切無從購買若於無可議減之中勉強減裁匪特平日操防不敷設有緩急更恐貽誤事機所有江西省各營馬匹難以議減臣等往返札商意見相同謹合詞恭摺覆

奏伏乞

皇上聖鑒訓示謹

奏道光二十三年十月二十一日奏奉

硃批兵部議奏欽此

遵保屬員摺

奏爲遵

旨保奏事竊

臣前因

奏保屬員仰蒙

皇上剴切訓示年餘以來稟遵

聖訓留心考察所屬各員中尙有可舉之才當將可否

准臣補行保奏緣由陳明請

旨欽奉

硃批准其保奏欽此仰見我

皇上旁求俊乂務在無濫無遺

臣

跪讀之下實深欽感

茲遵將

臣

考察確實堪膺薦舉之員敬謹繕列清單分

別出具考語恭呈

御覽伏乞

皇上聖鑒訓示謹

奏

南昌府知府倪良耀

該員現年五十一歲安徽拔貢由廣西知縣薦升  
南安府調補今職前在廣西時素著循聲現任首  
郡正已率屬力振因循一切發審案件尤能虛衷  
訊鞠明慎安詳洵屬練達有爲實心任事之員

廣信府知府麟桂

該員現年四十歲鑲白旗滿洲監生由禮部郎中

補授饒州府調補今職前任饒州府時督辦各縣  
圩堤均能實心講求不辭勞瘁上年署理首府篆  
務一切措理裕如才具明敏足以有爲

南安府知府吳式芬

該員現年四十四歲山東進士由編修補授今職  
上年南安府因廣東夷務設立糧臺該員承辦一  
切力求實際條理秩如嗣調署建昌臨江各府篆  
均能指注合宜實屬才敏心細器識遠到之員

義甯州知州周玉衡

該員現年六十歲湖北舉人由大挑分發江西歷

任龍南贛縣新建等縣升補今職持躬廉正遇事  
果斷貌似粗而心極細在江年久所到之處輿情  
無不愛戴上年因防堵崇陽匪徒出力曾經奏蒙  
恩准以知府升用洵屬爲守兼優結實可靠之員

南昌縣知縣現升蓮花廳同知程瘞策

該員現年四十八歲山東進士由會昌縣調補今  
職惓惱幅無華實心任事該縣濱湖各鄉易被水災  
該員體察情形隨時捐廉倡率業戶脩築圩堤頗  
收實效處首邑繁劇之區不務矜張事俱從容就  
理實居過達政體有爲有守之員

信豐縣知縣張廷杰

該員現年四十二歲貴州進士分發江西補授今職歷署義甯進賢各州縣缺均能實心辦事上年湖北匪徒滋事該員帶兵在義甯州分防要隘緝匪衛良遠近村堡恃以無恐曾經奏蒙

恩賞加銜現任信豐地方爲贛屬獵悍之區該員到任數月卽勸諭收繳鳥槍一千餘桿民情感畏洵屬緩急可恃才猷敏贍之員

廣昌縣知縣曹士桂

該員現年四十四歲雲南舉人由大挑分發江西

補授今職厯署龍南會昌信豐等縣現署萬安縣  
缺均係疲瘠難治之區該員每至一處卽各按該  
地方情形斟酌緩急次第整頓絕不畏難苟安尤  
能不涉粉飾實事求是洵屬盡心民事有志向上  
之員

道光二十三年十二月初一日奏奉

硃批吏部知道欽此

吳文節公遺集卷十一目錄

奏議

設法貴錢賤銀摺

審擬安仁縣開漕匪徒摺

訪獲教匪摺

用錢代銀請毋庸試行片

吳文節公遺集卷十一

男養原謹編

奏議

設法貴錢賤銀摺

奏爲設法貴錢賤銀以期藉錢之無窮濟銀之不足挽  
積重而裕財用敬陳管見仰祈

聖鑒事竊查上年戶部奏催各省開爐鼓鑄一案奉准  
咨抄原摺內有云銀之爲物旣非若銅鉛錫鐵隨時礦  
採而耗銀之事又百出不窮銀之貴非由錢之多祇以  
日趨於少卽日形其貴此時正宜設法用錢以濟銀之

不足又稱用銀之款可代以用錢財用因以少裕等因  
旨哉斯言誠方今不易之論也顧所謂設法用錢者當  
求所以善其法然後可以通其用伏思各省設爐鼓鑄  
原以錢爲日用所需藉錢以便民之用非藉錢以濟銀  
之細也至今日則情形有不同者今

國家承平日久合計有爐十四省每歲額卯得錢一百  
十四萬串有奇流衍百數十年以來錢固已日見多矣  
然使錢日多而銀並未少亦不至畸重畸輕之甚無如  
耗銀之端百出銀且日趨於少也以日多之錢代日少  
之銀似屬用之至便不知用也者通上下兼出入言之

祇計出而不計入則銀之勢偏於重而價仍昂錢之勢偏於輕而價仍低價不平用固不能通也欲求其通必出與入均能以錢代銀則上下相通而錢始得行錢得行則銀不偏重矣顧所入之錢未可浮於所出也祇以額用之銀約計徵之以錢正不必全以錢代也查各省應行解部及協解鄰省者長途撥運腳價浩繁應仍行徵銀解銀至本省兵餉文武官廉俸書工役食祭祀驛站一切坐支之款統計各省歲不下二千餘萬兩應全行改折收錢放錢以此二千餘萬串之錢委輸官庫錢之勢必見少少則價貴以此二千餘萬兩之銀留布民

間銀之勢必見多多則價賤此理勢之自然者然以此平銀錢之價固矣恐其效非旦夕可幾其未平之先若照錢一千准銀一兩之例支放必致兵譁役怨事格不行故改折錢文必按時價改折地方官按時價折解藩庫藩庫按時價散放各款徵解相應支領胥安可以行所無事也且救弊期以興利而利中之弊當先籌及約有五端均可無窒礙焉一日民情宜體察也定制正賦皆徵銀解銀一旦照時價改折錢文恐亂舊章而駭物聽不知零星小戶例原許以錢代銀而農田所出穀粟麻枲蔬菜之類亦多係糴賣錢文故現在各直省百姓

以錢完賦者無慮十之八九民以輸錢爲便官不得不俯順輿情今折解藩庫在官雖名曰改折而在民則實守故常閭閻無耳目之驚有司少易銀之累因利乘便法莫有良於此者矣一曰錢價宜畫一也一省之大市廛情形不能一律或有平色高低不同或有串頭虛實不等若照各州縣市價合銀解錢難免參差查銀錢聚會多在省垣外府之價恒視之以爲準應令各省藩司按庫平足陌據省垣之價爲定於二月八月開徵半月之前通飭州縣遵照批解倘銀價得平隨時核減則藩庫收數可歸畫一也一曰解錢宜劃數也司庫出納兼

用銀錢則州縣亦須銀錢兼解其應如何解錢之處必當裁清數目以昭限制查各省存留坐支之款歲有常經除耗羨內有解部飯食及搭放局錢作抵之數應劃出仍令解銀其餘應卽全行折錢外其動用地丁者由藩司核明歲用銀數按照各州縣錢糧多寡均勻指派解錢則批解數目各有定額不致贏縮混淆矣一曰扣平宜循舊也查坐支各款現在有應按二兩平扣給者今旣照庫平銀價改折錢文是所領之項卽與庫平紋銀無異平餘銀兩仍須照扣應將所發錢文按照銀價扣錢其扣平銀兩仍令州縣解銀報撥庶幾變通之中

不改已定之例也一曰局錢宜疏通也賦入之錢可按時價以爲收放局鑄之錢按時價支放則工本大虧按定例支放則偏枯難免查各省鼓鑄額卯至多不過數萬應全於各官養廉按成搭放現在錢價雖輕而所搭尚不至過多況俟銀價一平仍無所損文武官員絲粒皆戴

國恩自不應計及錙銖而兵餉得免配搭於兵丁目前生計亦可不至艱窘矣似此一轉移間法不必更新民不必易習兵丁無所苦物價漸就平制用之宜彰明較著也至南北各省情形或小有異同因地制宜宜隨事變

通似均可酌量辦理倘行之久而銀錢相埒出入咸宜則各省鼓鑄可加卯增額推廣流通以孳生不竭之錢濟綏耗日絀之銀操縱有權利源在上矣臣才識謙陋閱歷無多一己之見未敢遽信爲當然惟當此

國計未充上塵

宵旰苟有一得之愚不敢不爲芻蕘之獻是否可采伏乞

皇上聖明垂察

飭下部臣疆臣通籌核議奏請

欽定施行臣謹恭摺具

奏伏乞

皇上聖鑒訓示謹

奏道光二十四年三月十一日奏奉

硃批軍機大臣會同戶部議奏欽此

審擬安仁縣開漕匪徒摺

奏爲遵

旨審明定擬恭摺覆

奏仰祈

聖鑒事竊照安仁縣棍徒高嫩攸等包漕滋擾拒傷官役一案前經臣委員馳赴會拏並悉該縣林漢喬或有

辦理不善之處飭司撤任附片會

奏欽奉

上諭吳文鎔奏棍徒聚眾抗漕拒捕傷官等語江西安仁縣棍徒高嫩攸等膽敢於該縣開倉收漕時倚眾滋擾該府營前往掣辦輒擲石拒傷官員兵役實屬目無法紀見在拒捕之犯雖經陸續報獲該縣漕糧亦已照數完納惟案關重大必應嚴行懲辦著該撫親提犯證澈究確情按律懲治其在逃各犯並著迅速查拏毋使一名漏網該縣知縣林漢喬著卽撤任查明如係辦理不善卽行據實參辦無許稍有掩飾欽此臣當查此案

已獲各犯高嫩伎等先已行提來省委員審辦在案欽  
奉前因遵復嚴飭勒拏在逃各犯解究去後嗣據該縣  
續獲下手傷官要犯胡老五及李青喜傳同應訊兵丁  
周記太解省又經飭發委員併究詳辦茲據委員南昌  
府知府倪良耀等以案犯吳多生於取供後在監病故  
將其餘各犯審明議擬由臬司溫予巽會同藩司費開  
綏覆訊詳解前來臣親提研鞫緣胡老五高嫩伎艾佐  
臣邵帽安李德勝余保勝李青喜陳尙忠吳多生張書  
田楊高明李白華吳灝占張奇如楊祥發李云太均籍  
隸安仁縣李白華於道光元年考入縣學武生高嫩伎

與李白華吳灝占張奇如楊祥發李云太及在逃之吳和良熊振淙熊湘潘維照李三畏楊尙庭張起灝洪日俚邵求俚吳時昌吳林高張青魁同都素好各有本戶應完漕米自四五升至數斗不等道光二十三年十一月間該縣林漢喬出示開徵漕糧約會同赴投納高嫩伎因都花戶不少起意商同李白華等包攬漁利因恐各花戶不允捏稱本都漕糧現經伊等公議起立義圖若隨同完納較爲便宜卽米色不純倉書亦不敢挑剔懲惠一同赴倉完納藉圖開銷使費花戶信以爲實卽約會將米運赴都內志遠寺會齊是月二十五日正

擬運倉投納經林漢喬訪聞飭差查掣將李白華掣獲  
訊供詳革高嫩伎起意商同吳和良等赴倉開鬧希圖  
挾制不敢挾究吳漸占張奇如楊祥發李云太畏事未  
允吳和良等十二人俱各允從高嫩伎因恐人少難以  
嚇唬隨又添糾胡老五艾佐臣邵嶧安李德勝余保勝  
李青喜陳尙忠吳多生張書田楊高明並已被格斃之  
曾孺子在逃之張賚周曾子發吳世彰一共二十七人  
前赴倉內令倉書方向高等將本都漕米盡歸伊等量  
收方向高等因見高嫩伎等勢兇人眾畏懼走避縣役  
曾興王貴同在倉防守兵丁桂喜上前喊掣高嫩伎喝

令繩毆吳和良等卽取倉內木擔毆傷曾興王貴桂喜一  
偏右等處并用櫻繩將曾興王貴兩手繩縛同桂喜一  
併關禁倉廩並將水腳房錢桌打毀時該縣汎弁赴省  
領餉未回該縣林漢喬帶差赴倉查拏各犯隨卽逃散  
驗明曾興等傷痕飭差拏獲高嫩伎訊供收禁復親自  
赴鄉督拏餘犯吳和良恃眾抗拒不服拘拏並把持各  
花戶不許將米運倉完納林漢喬稟經饒州府知府姚  
熊飛會營赴縣彈壓拏辦姚熊飛因餘黨聚集未散飭  
令林漢喬并饒州營外委虞起勝帶同兵役親往查拏  
吳和良又主使胡老五艾佐臣邵樞安李德勝余保勝

李青喜陳尙忠吳多生曾搗子潘維照張賚周曾子發  
吳世彰一同拒捕時適未獲之艾鼎富艾康臣艾幅山  
邵受俚陳義仍陳春喜在彼吳和良因與素好亦邀令  
相幫艾鼎富等亦俱允從一其二十人各用木擔石塊  
拒毆胡老五拾取石塊擲傷該縣林漢喬額顱曾搗子  
亦拾石擲傷外委虞起勝頂心兵丁周記太施放烏鎗  
將曾搗子格斃維時吳和良與艾佐臣等亦各取木擔  
石塊毆擲致傷兵丁胡榮福胡福陳廷謨張舉才林向  
榮陳金釗額顱等處縣役周元周明林祥陸發管榮吳  
金龔福楊名倪祥張灝李順彭旺髮際等處因人多手

雜不知何人致傷何人何處該兵役等上前擒拏各犯卽紛紛逃散據姚熊飛驗明各傷稟經臣飭委景德鎮同知吳名鳳候補同知蔣啟敷馳往會拏獲犯并恐該縣林漢喬有辦理不善之處飭司暫行撤任委員接署並附片會

奏欽奉

諭旨著親提犯證澈究懲治茲經提集研訊據各供前情不諱究無另犯不法亦無另有隨同拒捕滋事之人嚴詰不移案無遁飾在逃各犯驟難弋獲現犯未便久羈應卽擬結查例載部民犯罪不服拘拏逞兇殺害本

官已傷者爲從下手綬候又打攬倉場欺凌官攢者徒  
罪以上發附近充軍又律載罪人持仗拒捕其捕者格  
殺之勿論各等語此案胡老五先則聽從高嫩伎赴倉  
滋鬧將守倉兵役網毆關禁後因該縣會營督率兵役  
往掣復聽從吳和良主使抗拒用石塊擲傷本管知縣  
實屬不法自應按例問擬胡老五除聽從打攬倉場輕  
罪不議外合依部民犯罪不服拘拏逞兇殺害本官已  
傷者爲從下手綬候例擬綬監候秋後處決該犯所犯  
情節較重據供母老丁單應不准其查辦高嫩伎起意  
包漕漁利因同夥李白華經縣訪聞掣獲輒糾眾赴倉

滋鬧希圖挾制並喝令將守倉兵役毆傷細縛關禁所犯已在徒罪以上亦應按例問擬高嫩伎合依打攬倉場欺凌官攢者徒罪以上發附近充軍例發附近充軍艾佐臣等先則聽從打攬倉場繼復隨同吳和良抗官拒捕致傷兵役亦屬不法惟並未下手傷官與毆傷本官者情稍有間自應酌減問擬艾佐臣邵帽安李德勝余保勝李青喜陳尚忠吳多生除打攬倉場爲從輕罪不議外均請於傷官爲從之胡老五綏罪上量減一等各杖一百流三千里張書田楊高明僅止聽從赴倉滋鬧細毆兵役並未抗官拒捕均請於高嫩伎打攬倉場

軍罪上減一等各杖一百徒三年以上軍流徒各犯除  
吳多生業已監斬應毋庸議楊高明據供親老丁單是  
否屬實飭縣查取供結另行辦理外高嫩伎陳尙忠情  
節較重各供親老丁單均不准留養應與艾佐臣等俱  
分別定地發配照例折責安置李白華吳灝占張奇如  
楊祥發李云太僅止聽從包瀆未成並未隨同赴倉滋  
鬧亦未抗官拒捕應請各照不應重律杖八十折責發  
落李白華所革武生不准開復兵丁周記太因曾擂子  
擲石拒傷本官放槍將其格斃合依罪人持仗拒捕捕  
者格殺之勿論律勿論曾擂子聽從抗拒下手傷官本

千例擬業已被格身死吳多生在南昌縣監病故刑禁人等訊無凌虐情弊均毋庸議該縣漕糧已據各花戶照舊完納交幫起運無誤員弁兵役所受各傷均已平復亦毋庸議所有監斃流犯一名之管獄官職名係南昌縣典史劉德焱相應附叅逆犯吳和良等飭緝獲日另結此案拒捕首夥二十人現獲從犯八名及格斃一名尙未及半首犯亦未弋獲所有文武疎防職名飭取補叅至該縣林漢喬因棍徒包漕滋事不服拘拏稟報會營拏辦尙無辦理不善之處惟該縣民情刁悍該員心地樸誠而才欠開展於該處人地不甚相宜未便仍

令回任相應請

旨將安仁縣知縣林漢喬留省俟有相當缺出另請補用所遺安仁縣知縣係專銜不兼簡缺江西省現有應補人員容臣另行請補除備錄全案供招咨部外所有審明定擬緣由臣謹會同署理兩江總督福建福州將軍臣壁昌恭摺具

奏伏乞

皇上聖鑒勅部核覆施行謹

奏道光二十四年九月二十五日奏奉  
硃批刑部議奏欽此

卷十一

訪獲教匪摺

奏爲訪獲習教匪犯先將大概供情恭摺奏祈

聖鑒事竊臣接據九江府知府劉熾昌德化縣知縣濟昌等聯銜稟稱該府等因訪聞境內有傳習邪教匪徒當卽改裝易服嚴密察覈獲到張尙延一名並在其家搜出經卷等件提訊張尙延供認喫素誦經事神習教不諱並稱有四川范依果來江西傳教上年冬間曾至其家旋卽潛往湖北等情又據署南昌府知府王藩督同署南昌縣知縣慶雲訪獲李紹海一名訊認拜從戴

姓范姓爲師習教等情各具稟到

臣

查此案現准陝

甘督

臣

富呢揚阿兩湖督

臣

裕泰先後咨稱該省均獲

有青蓮教匪徒究出該匪等分派黨羽赴各省傳教開

單知會密飭嚴拏

臣

卽飛飭各屬並密委幹員分往會

同查緝在案茲該府縣等訪獲張尚延李紹海二名訊

俱習教之犯並據稱有四川人范依果來江西傳教是

此外聽從入教之人必不僅此數名該匪等妄託鬼神

禍福之說展轉煽誘蔓及各省實屬懾不畏法必須窮

搜務盡且現在要犯范依果尙未就獲是否已在湖北

尤宜研究的實下落跟蹤追捕除飭臬司分別提犯來

省嚴行鞠訊一面仍飛飭各屬嚴密訪拏匪黨務期按名就獲以淨根株外所有訪獲智激匪犯大概情形謹先繕摺奏

聞伏乞

皇上聖鑒謹

奏道光二十五年四月初七日奏奉

朕批嚴密查緝務淨根株不可視為泛常欽此

用錢代銀請毋庸試行片

再臣上年因各省錢賤銀貴思欲用錢代銀將各省坐支之款均收錢放錢冀可漸平銀價奏蒙

勅下軍機大臣會同戶部議奏嗣經議得各省坐支之款出納總在一年銀非久貯錢亦卽流布民間恐於見多見少之意未必有效請先令江西試行如果試辦得宜再行奏明通行各省酌辦等因奏奉

諭旨依議欽此咨行到臣當卽欽遵檄行藩司通盤籌計並行各府查核道里遠近及收放情形彙詳核辦去後茲據藩司費開綏詳稱據各府陸續查稟情形大略相等中有山路僻遠及向不徵錢之處通融貞益次第舉行期無壅礙詳請酌辦前來臣思用錢代銀原期藉以平銀價也必藩庫收錢多而市價能平庶徵實效

今查江西藩庫因官紳添大捐輸已積存錢至三十餘萬串此項錢文多取之省鋪且係有納無出市肆錢應日少錢價卽廉日貴及驗之市價錢乃日益加賤上年冬間紋銀一兩易制錢一千五百餘文現已易至一千七百餘文收錢多而錢價更賤殊不可解臣詳加訪求始知鄰省因江西用錢較多錢價稍貴又風聞藩庫將以錢代銀市錢必昂以致浙江及湖南湖北有專販錢文至江西發售者故錢以全集而轉賤若復舉行用錢代銀不獨旋納旋出效難驟期且恐錢販踵至錢日賤而銀日貴更屬無益臣細察情形一省試行實難收效

未敢稍涉拘泥應請毋庸試行謹據實附片具  
奏伏乞

聖鑒飭部查照謹

奏道光二十五年四月初七日奏奉

硃批戶部知道欽此

吳文節公遺集卷十二目錄

奏議

審擬教匪摺

暫停鼓鑄摺

審擬教匪摺

吳文節公遺集卷十二

男養原謹編

奏議

審擬教匪摺

奏爲審明習教匪犯分別定擬恭摺奏祈

聖鑒事竊

臣前據九江南昌等府縣訪獲邪教匪徒張

尙延李紹海起出經卷等件具稟到

臣

並准陝甘兩湖

督臣

咨會該省獲有青蓮教匪犯究出分派黨羽赴各

省傳教咨飭嚴拏等因

臣

卽飛飭各屬並密委幹員分

往查緝

一面飭司先提現犯來省嚴行鞫訊並將辦理

情形恭摺具

奏奉到

硃批嚴密查緝務淨根株不可視爲泛常欽此又經欽  
遵轉飭嚴密查拏嗣據德化縣續獲方組達周得交翁  
之鳳三名彭澤縣拏獲李致美一名宜春縣拏獲古魁  
連一名南昌縣續獲侯啟先熊希亨二名並據李碧川  
一名自行投首又新建縣拏獲漆九如張李氏二名即  
在張李氏家起獲玉皇心印經一本先後稟報解省並  
據德化縣稟報該縣同南昌等縣兵役緝  
縣地方協同懷甯縣兵役拏獲戴理釗一名送懷甯

公懷甯

縣請咨提解審等情復經據稟咨提嗣准安徽撫

臣

飭訊戴理釗供止拜從陝西省拏獲之周位掄爲師習

教狡不承認傳徒業經咨會陝西省提犯訊明徑覆核

辦應將戴理釗解回歸案質訊等因並准委員將戴理

釗及起獲道書五本解送到

臣隨卽發委南昌府知府

王藩督同南昌縣知縣慶雲署新建縣知縣斌椿提同

各犯確審卽據該委員等詳請將戴理釗監生斥革提

訊張尙延張李氏周得交侯啟先翁之濶五犯供認拜

從范依果爲師習教方組達李紹海李碧川三犯供認

拜從戴理釗爲師入教李致美漆九如熊希亨三名供

止聽從戴理釗戒葷辟齋並未習教質之戴理釗雖據供認拜師傳徒而究係何人之徒供詞仍復游移屢審不定其古魁連一犯訊認拜從在逃之鄖智明爲師習教因與湖南省拏獲之胡持培口供不符稟明解歸湖南省質訊擬辦並准湖南省查覆范依果已於道光二十五年二月初一日在長沙縣地方病故又准陝西撫臣咨覆該省拏獲之周位掄並無供有收受戴理釗爲徒之事各等因復經飭知該委員等確審去後茲據該委員等將各犯審明定擬由按察司溫予巽勘解前來臣隨親提各犯悉心研訊緣戴理釗卽戴漁亭翁之漁

方祖道用得交均籍號德化縣張尙延籍號湖北黃梅  
縣侯叔先籍號湖南武陵縣李紹海李魯川張李氏均  
籍號南昌縣戴理釗先於道光十九年在京報捐監生  
給有部監各照與張尙延素識二十四年七月戴理釗  
赴湖北黃梅縣貿易前往張尙延家探望時張尙延家  
有四川金堂縣人范臻卽范依果在彼暫住范依果先  
在湖北漢陽縣地方聽從陳汝海郭建汝等習學青蓮  
教陳汝海設立乩壇將無生老母畫像供奉稱爲雲城  
並起意假託聖賢仙佛轉世捏造弊齋行善可以不遭  
水火劫難等語作爲乩筆判出傳佈煽惑誘入習教因

郭建汝欲奉伊素識之周蠻卽周位掄爲教主陳汝海等不允欲立朱中立郭建汝卽與陳汝海等分教而散陳汝海等遂將朱中立改名化無子令在江夏縣公樓照管並云人數眾多恐致惹事破案聽憑眾意認往各省分途傳教假稱供奉朱中立爲教主以便廣收徒眾多斂銀錢分寄雲城供佛范依果卽認往江西攜帶經卷善書而來業已誘允張尙延拜師習教戴理釗與之談論兩相投機范依果告知情由用言勸誘戴理釗聽信亦拜范依果爲師范依果書立無生老母牌位令戴理釗禮拜訖傳授坐功運氣道理並送玉皇心印等經

囑令時常念誦或轉散徒眾戴理釗收受致送功果銀十六兩而回以後范依果復以前說誘收張李氏周得交侯啟先翁之源四人爲徒得受功果錢自五百文至一千文不等張尙延翁之源侯啟先常將神牌供奉張李氏周得交慮人知覺當時燒燬范依果本擬卽赴江西省城一帶傳教因值患病前往湖南就醫旋在長沙縣地方病故而戴理釗自入教以後亦思轉傳徒眾收受功果錢文於是年九月及十一月先後誘說方組達李紹海李碧川三人拜伊爲師教令坐功運氣並送玉皇心印等經得受功果錢自六百文至一千文不等方

組達李紹海李碧川均恐被人知覺卽將神牌燒燬又有李致美漆九如熊希亨三人先後經戴理釗誘令習教不從勸其茹素以爲將來復誘地步李致美等均各聽信戒輦旋經各府縣訪聞並准陝甘兩湖督臣咨會緝拏先經德化縣知縣濟昌南昌縣知縣慶雲將張尙延李紹海拏獲稟報經臣飭令再行嚴拏一面將現犯提省審辦嗣據德化等縣將方組達等拏獲並據李碧川自行投首分別稟報解省而戴理釗聞拏嚴緊逃赴安徽躲避經德化等縣兵役追至懷甯縣地方協同該縣兵役弋獲送縣查訊戴理釗慮恐范依果犯罪因知

周位掄亦曾習教遂捏供係周位掄之徒并匿不供出傳徒情事經安徽省據供咨查將犯解回飭委南昌府知府王藩提集解省各犯督同南昌縣知縣慶雲等研訊茲准陝西撫<sub>臣</sub>咨覆該省拏獲之周位掄並無供有收受戴理釗爲徒之事飭知該委員等審明定擬由司勘解前來<sub>臣</sub>親提研鞫據供前情不諱詰無妄佈邪言煽惑人心亦無另有拜師習教之人<sub>臣</sub>因戴理釗拜師習教復轉傳徒眾實屬罔知法紀其所供並未妄佈邪言煽惑人心殊不可信卽所收徒眾亦恐不止此數張尙延等據稱未經傳徒李致美等據稱僅止茹素亦難

保非狡供避就再四研詰該犯等堅供如前並據戴理  
釗供稱伊如有妄佈邪言情事現在被誘之方組達等  
均已到案何肯不行供出至此外如尚有傳過徒眾伊  
已身犯重罪無所顧慮亦不肯代爲隱匿致干熬審屢  
鞫不移案無遁飾檢閱起獲經卷道書亦僅係荒誕鄙  
俚之詞並無違悖不法語句查例載一切左道異端煽  
惑人民爲從者改發回城給大小伯克及力能管束之  
回子爲奴又各項教會名目雖未傳徒或曾供奉飄高  
老祖者發邊遠充軍各等語此案戴理釗聽信范依果  
誘說拜從爲師學習青蓮教輒因圖得功果錢文轉傳

徒眾雖未妄佈邪言煽惑人心究屬不法自應按律問  
擬除聽從傳佈邪言罪應擬斬之范臻卽范依果業據  
湖南省查明已經病故應毋庸議外戴理釗卽戴鳳亭  
應革去監生合依一切左道異端煽惑人民爲從者改  
發回城給大小伯克及力能管束之回子爲奴於左面刺清  
城給大小伯克及力能管束之回子爲奴於左面刺清  
漢左道惑人各四字右面刺清漢外遺各二字張尙延  
翁之渢侯啟先聽從入教雖未傳徒但時常供奉無生  
老母爵位卽與供奉飄高老祖無異自應比例問擬張  
尙延翁之渢侯啟先應請比依各項教會雖未傳徒或

曾供奉飄萬老祖者發邊遠充軍例發邊遠充軍李紹  
海李碧川方組達周得交張李氏僅止聽從入教並未  
供奉無生老母牌位亦未傳徒應請於一切左道異端  
煽惑人民爲從遣罪上量減一等杖一百徒三年李碧  
川係聞拏投首應照例再減一等杖九十徒二年半各  
犯事犯到官雖在道光二十五年五月二十四日清刑  
恩旨以前惟係習教匪犯定例遇

赦不赦應不准其援減內有年逾七十者亦不准其收  
贖張李氏係屬婦女難以拘役仍照律收贖餘俱解配  
折責安置李致美漆九如熊希亨被誘茹素均無拜師

習教情事應請各照不應重律杖八十事犯到官在恩旨以前所得杖罪均予援免交保嚴行管束戴理釗所得功果錢文照追入官冊報仍飭追取部監各照另詳咨銷起獲經卷道書查無違悖語句案結銷燬其宜春縣另獲古魁連一犯業經解往湖南質訊應歸湖南省擬結該犯等習教茹素業經各該縣自行訪聞拏獲究辦失察職名應請免參除備錄供招咨部外合將審擬緣由恭摺此

奏伏乞

皇上聖鑒勅部核覆施行謹

奏道光二十五年十月二十五日奏奉  
硃批刑部議奏欽此

暫停鼓鑄摺

奏爲藩庫存錢較多請暫停鼓鑄以裨疏通恭摺

奏祈

聖鑒事竊照江西省寶昌局鼓鑄錢文向設六爐前因  
錢價過賤經前撫臣

奏請停鑄嗣於道光二十三年經臣欽遵

諭旨奏請減半開鑄三爐並將搭放成法量爲變通所  
有各營兵餉及額外外委未弁一律免搭其把總以上

武職養廉以八釐搭放文職養廉以一成二釐搭放仰  
蒙

前允遵照辦理續因官紳士民捐輸河工經費錢文積  
存藩庫准戶部咨飭於文職道府以上武職提鎮等官  
各養廉內分成搭放其搭放之數仍不得過三成等因  
又經咨明戶部請將臣及司道各府暨九江贛州二鎮  
應支養廉內再以捐輸錢文三成搭放在案惟查藩庫  
收存前項捐輸錢文共有三十五萬二千八百餘串按  
現在以三成搭放道府以上及九贛二鎮養廉而計每  
年僅能搭放錢二萬九千餘串約十餘年方能搭竣久

存在庫不無貫朽之虞且按年扣銀報撥亦爲期較緩  
自須設法疏通而疏通之計惟有妥籌搭放查目下市  
換錢價有減無增不獨搭放鑄錢以錢一千作銀一兩  
所耗甚鉅卽捐輸錢文以一千五百文作銀一兩亦尙  
不敷市價在

奏明停搭之兵餉等項自不便輕議搭放惟向搭之養  
廉似可酌量變通因思現在文武養廉連佐雜及千把  
各員弁合計所搭鼓鑄錢文每年計共一萬八九千串  
若暫行停鑄亦以所收捐輸之錢於武職都守以上向  
搭八釐之外酌加二釐文職州縣以上向搭一成二釐

之外酌加八釐則每年共可搭放二萬八九千串合之現在搭放道府以上及九轄二鎮之二萬九千餘串每年共可搭放五萬七八千串約六七年即可完竣其文職佐雜武職干把微末員弁並免搭放益足以示體恤第鼓鑄錢文每年應有餘息停鑄則餘息虛懸溯查以前六爐全鑄年分每年所得餘息自一千六百餘兩至三千數百餘兩不等內惟道光七年最多除閏月外計得餘息銀三千五百餘兩以現在減半三爐而計應得餘息銀一千七百餘兩今議請停鑄所有餘息應請卽以每年一千八百兩爲準遇閏再加銀一百五十兩由

外按年公捐解司報撥抵補如此則庫貯錢文既可早爲疏通而鑄錢餘息亦不致虛懸據藩司費開緩會同臬司鹽道具詳請

奏前來合無仰懇

天恩俯准將江西省寶昌局現在三爐鼓鑄錢文暫行停鑄所有文武職養廉應以鑄錢搭放者請以庫貯捐輸之錢分別搭放其搭放成數武職除千把總外前次奏明以八釐搭放者酌加二釐共以一成搭放文職除佐雜外以一成二釐搭放者酌加八釐共以二成搭放至文職道府以上及武職九贛二鎮本應搭放之三成

捐輸錢文亦仍照舊搭放統俟庫存捐輸之錢搭放完竣再行

奏請開鑄其搭放之錢仍照收捐之數以一千五百文作銀一兩所有停爐期內應得鑄錢餘息卽如該司道所議每年以銀一千八百兩爲準遇閏再加銀一百五十兩飭司等議公捐按年解司報撥抵補至存局銅鈷飭令局員嚴謹收貯局中匠役停爐後仍照舊章分發各衙門充當水火夫役免致失業私鑄滋弊將來開鑄亦可隨時招回無虞另募周章是否有當理合恭摺具奏伏乞

皇上聖鑒訓示謹

奏道光二十五年十月二十五日奏奉

硃批戶部議奏欽此

審擬教匪摺

奏爲續經審明習教匪犯按例定擬恭摺奏祈  
聖鑒事竊照江西省前獲傳習青蓮教匪徒戴理釗等  
經臣審明分別問擬發遣軍徒恭摺具

奏業經接准部覆尙有宜春縣拏獲古魁連一名前因  
所訊供詞與湖南省拏獲之胡持培口供不符亦經臣  
奏明解歸湖南省質訊辦理在案嗣於本年正月間准

湖南撫

臣

咨覆提同胡持培質明該犯古魁連實係在

湘潭縣地方拜從在逃之四川人郭建汶爲師習教等

因將古魁連解回審辦

臣

卽飭司委員確審擬辦去後

茲據委員南昌府知府王藩等審明議擬由臬司溫予

異勘解前來

臣

親提研訊緣古魁連籍隸宜春縣販布

營生與習學青蓮教在逃之四川人郭建汶卽郭明智

初不認識古魁連先曾因母病茹素道光二十四年十

二月間古魁連雇船販布至湖南湘潭縣地方發賣是

月初八日傍晚郭建汶至船買布時古魁連正在喫飯

郭建汶見其茹素當向查問古魁連告知情由郭建汶

卽以茹素不如入教可以消災獲福卻病延年伊係青蓮教內派令出外傳教之人如欲學習情願傳授之言向古魁連勸誘古魁連聽信卽留郭建汶在船懇其傳習是夜郭建汶於船戶等睡靜後寫立無生老母牌位令古魁連禮拜畢教給坐功運氣道理囑令時常習鍊所供牌位當時焚化並未傳授經咒古魁連亦未送給錢物次日郭建汶稱欲搭坐古魁連船隻同至江西傳徒古魁連應允郭建汶稱欲搭坐古魁連至伊所寓之軒轅殿廟屋內向屋主胡持培告知前情搬取行李下船嗣古魁連因帳未收清在彼耽擱未經開船郭建汶復

向告稱伊現有要事須趕往漢口料理另行搭船而散  
古魁連旋亦回籍二十五年二月間郭建汶曾至古魁  
連家探望一次並向古魁連告說現欲回歸原籍四川  
而去旋經宜春縣將古魁連訪獲解省委審因供詞游  
移與湖南省所獲之胡持培口供不符解赴湖南質訊  
茲經湖南省提同胡持培質明解回飭發委員覆審定  
擬由司勘解前來臣親提研鞫據供前情不諱究止聽  
從入教並無念習經咒供奉牌位及轉傳徒眾造言煽  
惑人民爲從者改發回城給大小伯克及力能管束之

回子爲奴等語此案古魁連聽從學習青蓮教雖訊無轉傳徒眾造言煽惑及供奉無生老母牌位情事究屬玩法自應酌量問擬古魁連應請於一切左道異端煽惑人民爲從遣罪上量減一等擬杖一百徒三年事犯到官雖在道光二十五年五月二十四日清刑

恩旨以前係習教匪犯不准減等照擬定地發配折責安置逃犯郭建汝嚴飭所屬並咨會四川等省飭屬一體偵緝獲日另結該犯古魁連係該地方官自行訪拏獲案失察職名應請免參除備錄供招咨部外理合將審擬緣由恭摺具

奏伏乞

皇上聖鑒敕部核覆施行謹

奏道光二十六年二月十五日奏奉

硃批刑部議奏欽此